



赤水玄珠

醫案

四十

武
516
41



門
卷 41
頁 16



水玄珠醫案三吳治驗三卷目錄

文川令郎內傷發黃一有發明

施涇陽先生內人痰火二

屠侍軒尊眷產昏憤不知人事三

屠學恒廼眷產後作瀉四

周鑑泉令政傷寒謔語五

臧顧渚老先生西耳掀痒六

王南崗咳嗽氣湧七

張桃津廼政小產後臍下痛八

三吳目錄

三卷

陳光祿五更胸膈飽脹九

漂水令君夫人五更倒飽洩瀉十

李悅全夫人腹痛譫語如狂鼻衄有發明十一

吳仲峰脾洩十二

張後溪令孫瘡疥發腫十三

張五橋夫人喘嗽十四

方東塾脊骨痛牽引胸腹皆痛十五

張淨宇發熱腹痛洩瀉嘔吐十六

張近川胃脘痛十七

閔文川公肛生一毒膿潰不收口十八

李古愚胸膈飽悶大便溏泄十九

姚惠全夜多洩瀉二十

姚老夫人右手疼二十一

一僕時疫頭痛發熱二十二

一僕時疫頭痛如破二十三

一僕時疫嘔吐煩躁口渴二十四

馬鳳陽咳嗽內熱二十五

倪二南內人小水不禁二十六

嚴柱史令媳腹中有塊疼痛 二十七

陳鹿塘腸風臟毒大便燥結 二十八

張道南內人腹痛 二十九

張道南尊堂鬲上痰飲痞而惡 三十

馬迪庵內人奇痰症 三十一

董老夫人眩暈 三十二

張裕益惡寒發呃 三十三

嚴老夫人胸膈痞悶 三十四

王谷泉頭眩洩瀉汗出不止 三十五

方東埜兩脇痛 三十六

一婦懷孕內熱咳嗽 三十七

一婦心痛唇紅虫症 三十八

倪二南內人小產小腹疼痛暈厥 三十九

倪少南右頰車浮腫疼痛 四十

倪少南內人經行如崩頭暈 四十一

高仰山內痔血裏急後重 四十二

姚娘子小腹疼 四十三

張五橋先生令政痰喘咳嗽 四十四

徐文學三泉令郎右脇脹痛 四十五

王祖泉乃眷遍身痛 四十六

費少垣乃眷孕痰喘胎逆 四十七

費一吾令政孕子淋 四十八

六娘子遍身痛汗大出昏昏如醉 四十九

八娘子頭痛咳嗽痰多有血 五十

姚弁山內人胸脇痛 五十一

李坦渠令子室咳嗽心痛腰疼 五十二

周衡宇咯血痰火作痞 五十三

張分守腰膝痠痛 五十四

鄭春元頭痛內熱 五十五

徐老夫人胸膈痞悶 五十六

張麗川咳嗽多痰糞門發癢 五十七

陳仰山內人小產二月而血大下 五十八

張溪亭乃眷喉中梗梗有肉如炙巒 五十九

張溪亭令媳夢亡過祖母打其背 六十

陳茂之勞倦色慾傷寒 六十一

陳五山胃脘痛 六十二
吳小峰酒積作痛 六十三

沈大叅痰飲痞滿 六十四

王敬泉胸膈飽悶頭暈作吐 六十五

張二官傷寒 六十六

大司馬令媳產後暈厥發狂 六十七

孝廉臧茗泉瘡後作痢 六十八

包繼可先生令眷孕而發瘡 六十九

一張氏婦心神不足肺經有痰 七十

吳比部公子病眼 有發明 七十一

目錄終

赤水玄珠醫案三卷

明新安生生子孫一奎文垣甫輯

明人余煌

子 泰來 全閱梓 朋來

三吳治驗

王文川令郎原傷飲食又傷於冷菱等物遍身發黃眼如金色夜發熱天明則退腹痛手不可近號叫通宵市醫因其黃而曰胡荽真矣衆議以

草頭藥進予至急止之曰何以草藥藥誤其母
復欲誤其子乎蓋脾胃喜溫惡寒且此症乃食
積釀成而黃為濕熱所致法當健脾胃用溫暖之
劑下之濕熱去而黃自退草頭藥性多寒用之
是損脾土而益其疾也可用哉即以保和丸一
錢入備急丸五分作一次服之少頃瀉一次又
少頃連下三次積物所下甚多腹痛盡止再與
調中丸服一月不但一身之黃盡退而步履輕
捷如飛其父喜曰神不誤我問其故曰始議進

草頭藥者十九而孫君獨此其非余不能決而
決於神神允孫君服果有效而吳我今小樓等
曰亦孫君之藥神爾設無孫君神維靈何所顯
哉衆拊掌而嘖

施涇陽先生內人年五十八左脇有痰飲每升至
咽間即脹悶不知人事遍身皆脹不能卧小水
赤診其脉兩寸關洪滑六部皆數予謂此痰火
症也痰生熱熱生風故每發人事不知爾乃與
牛黃清心涼膈丸同黑虎丹服之夜遂得睡人

事亦安靜。再以二陳湯加滑石竹茹鬱金薄荷黃芩前胡加燈心生姜煎服全安矣。

屠侍軒尊眷產一日而觸於怒大便洩瀉昏憤不省人事大熱氣促汗多衆醫謂產後脈不宜大今脈大而左手且散亂又汗出喘促法在不治予曰固然書云醫而不起者有矣未有不藥而起者也且不藥而視其死與藥而或可圖生者孰優予試之亟與人參五錢白朮三錢炙甘草一錢五分炮姜二錢肉蓯六分五味子七分煎

服其夜遂稍睡予竊喜補而得睡其陰陽和矣次早脈果稍收斂喘促亦緩大便前半夜瀉三次五更吸粥半盂小便通利大有生意也再以人參阿膠固元氣定喘為君白朮炮姜補脾為臣澤蘭葉退產後之熱五味子斂神止汗肉蓯止瀉為佐甘草和中為使五帖而安。

屠學恒先生乃眷以產後欠補養而精神疲困脾胃亦弱腹中間作痛作瀉脈兩手皆濡軟無力以六君子湯加藿香砂仁香附蒼朮澤瀉調理

而安

周鑑泉令政。病傷寒。發熱譫語。口渴咳嗽。胃脘痛。浪瀉嘔吐。遍身發斑。診之六脉洪滑。予曰。此少陽陽明合病之症。勢亦重矣。急以升麻葛根湯加滑石五味子進之。服後汗大出。下午即退涼。而譫語止。晚進柴苓湯加五味子滑石。其夜瀉止。神思始清。次日左脉已和。右脉亦稍收斂。予喜曰。可無恙也。改用白芍藥為君。陳皮柴胡酒芩五味子牡蠣滑石茯苓澤瀉白朮服四帖而

痊可

大國博減顧渚先生病。兩耳掀痒。唇燥舌乾。咳嗽吐濃痰。脉左稍浮絃。右洪滑。此胃中痰火流入肺經鬱積久而生熱生風也。先以總管丸導其痰。又與黑虎丹祛其風熱。繼以天荅粉薄荷鬱金葛根白藥子甘草黃連連翹蟬退煎服而安。

王南崗咳嗽氣湧。不能伏枕。吐痰不已。下午微熱。胃脘膨脹。不知飽餓。口乾舌上白胎厚。小水短

必大便裏急後重間有紫黑血脉右關洪滑左手瀉據脉症胃中有瘀血痰積而肺氣亦虛也法當先補而後瀉以人參白朮白芍藥柴胡黃連陳皮半夏五味子桔梗與三帖後察其肺脉已旺乃與總管丸下之去黑血屑極多諸症悉減再與紅六神丸調理而痊七

張桃津乃政原有小便癃閉之症又小產後三日臍下作疼夜分發熱口渴大便溏日三四度先與補中益氣湯加玄胡索澤蘭葉牡丹皮服之

連進三帖大便實矣惟小便頻數滴瀝不日夜二十餘次夜分尤多精神甚憊脉雖五至不甚充指此血虛有熱而氣亦滯也濕熱在氣分故口中渴血虛故臍下痛法當峻補其陰而淡滲其陽以熟地黄三錢黃柏一錢補陰為君草薢去濕熱為臣藿麥穗澤瀉淡滲為佐烏藥調氣甘草為使服下臍痛全止小便其夜亦不起連進三帖病脫然矣八

陳光祿松巒翁長厚君子也而存心博愛常五更

新胃高脹疾。三吳名家遍延而治。寒熱溫涼藥味
備嘗。竟無一効。禮子診之。右寸軟弱。左平。兩尺
亦弱。子曰。此肺腎二經之不足也。補而飲之。可
無恙矣。以補骨脂、山茱萸、人參各三兩。鹿角膠
鹿角霜各五兩。杜仲、巴戟、白茯苓、車前子各一
兩。五錢。乾山藥二兩。鹿角膠酒化為丸。空心淡
鹽湯送下。又以御米壳去筋膜。蜜水炒。三兩。訶
子麵煨去核。一兩。陳皮一兩半。煉蜜為丸。五更
枕上白湯送下。一錢服一月。病不再發。翁由是

交予極驩也。及見子玄珠稿。大稱快語。曰。醫家
凡得一方。輒自秘。以為高君獨欲。公諸人。是有
意於壽蒼生者。亟付剞劂。予當助梓。因手錄予
百餘方。製丸散。以施。而亦無人德我之望。九
漂水令君吳湧瀾公尊夫人。每五更倒飽。必瀉一
次。腹常作脹。間亦痛。脈兩手寸關洪滑。兩尺沉
伏。子曰。此腸胃中有食積痰飲也。乃與總管丸
三錢。生姜湯送下。大便雖行。不甚順利。又以神
授香連丸和之。外用滑石甘草木香枳壳山查

陳皮白芍藥酒連調理而安^十

李悅齋先生夫人。曾脇大腹作疼。譫語如狂。寅卯辰三時稍輕。午後及夜痛甚。晝夜不睡。飲食不進者十八日。究其故。原有痰火。與頭疼牙疼之疾。又因經行三日。後頭疼發寒。熱醫以瘡治。因大惡熱。三四人交扇之。而兩手浸冷水中。口噤。冰而不嚥。鼻有微衄。又常自悲自哭。目以多哭而腫痛。時即壁止。亦欲飛去。劇則咬入小水直下。不固。喉梗梗吞藥不下。脉則左絃數。右關洪。

滑。予曰。此熱入血室症也。誤服治瘡剛燥之劑。而動痰火。以致標本交作。諸人猶謂熱入血室。當夜間譫語如狂。如見鬼。何至胸脇疼劇。咬入也。予曰。仲景云。經水適來。適止。得疾。皆作熱入血室。治之。治全少陽。而以小柴胡湯為主。加涼血活血之藥。此古人成法可守也。痛極咬入者。乃胃虛虫行求食。而不得。故喉中梗梗然也。即以小柴湯加桃仁丹皮。而譫語減。次日以安蛇湯與服。而疼隨止。飲食進。遂駸駸有生意。^{十一}

吳仲峰先生邀予診時為仲秋初二日也。六部皆沉微而左尤甚。隱如蛛絲之細。症則原以腸風去血過服寒涼致傷脾胃。自春至秋脾洩不愈。日夜十二三行。面色黃白帶青。兩頤浮腫。四肢亦浮。小水不能獨利。利必與大便並行。腸鳴。四肢冷。口不渴。飲食大減。口唇齟肉皆白。其為入也。多憂思。夫四肢者脾之所主。清冷為陽氣不充。兩頤乃腎經部位。浮腫益見腎氣之不足也。脈沉微與面色黃腫皆屬於濕。書云。諸濕腫

滿皆屬脾土。合脈症觀之。由脾虛不運積濕而然。虛寒明矣。病至此勢亦甚危。第形症相符合。脈相應。又能受補。庶幾可生也。法當大溫補升提。以東垣益胃升陽滲濕湯加減調理。人參三錢。白朮五錢。黃耆二錢。茯苓益智仁蒼朮澤瀉各一錢。大附子五分。炮姜炙甘草升麻防風各五分。連服八帖。諸症悉減。乃囑之曰。病雖暫愈。宜戒生冷憂思。庶服藥有效。切勿輕犯。犯之非藥石可回也。翁曰諾。敢不唯命。十二

張後溪先生令孫遍身瘡疥浮腫腫自足背起漸
腫上大腿今且至腹大便洩瀉發熱不得安寢
此風濕之症當令與時違之候治從開鬼門潔
淨府二法使清陽升則瀉可止小水利則浮腫
可消上下分去其濕之意也蒼朮一錢薏苡仁
桑白皮各三錢青蒿防風升麻柴胡各五錢大
腹皮五加皮赤茯苓澤瀉各六分八帖全安
三

府佐張五橋先生夫人患喘嗽夜分氣壅不能仰

卧體素弱脉右滑大左細弱每咳嗽必連連
十聲痰不易出甚至作吐以東垣人參平肺散
加減治之四日而愈人參桑白皮地骨皮青皮
茯苓五味子知母滑石麦芽天麻粳米甘草水
煎服夜與白丸子十四

方東楚患脊骨痛牽引胃腹皆疼舌上黃胎甚厚
脉沉滑而數先與川芎羌活炙甘草蒼朮姜黃
防風藁本枳殼桔梗柴胡服之服後背脊痛減
腹仍痛與木香枳榔姜黃香附青皮酒連大瓜

字

三身三卷
萸柴胡川芎服之腹痛稍減腰疼甚知其痰積
下行欲去而不能也即以木香枳榔丸下之連
行三四次舌上黃胎始退腹痛全止脉亦軟弱
改以人參當歸白芍甘草茯苓陳皮白芥子香
附柴胡青皮白朮調理而安十五
張淨字文學發熱腹疼洩瀉口渴嘔吐不止時師
有認寒者有認熱者有認傷食者予至診之曰
此時疫瀉也以二陳湯倍白朮加青蒿葛根酒
苓白芍藥猪苓澤瀉滑石一劑而安十六

張二尹近川翁始以內傷外感過服發散瀉導
一劑致胃脘當心而痛六脉皆絃而弱此法當補
而斂之也白芍藥酒炒五錢炙甘草三錢桂枝
一錢半香附一錢大棗三枚枳糖一合煎服一
帖而瘳十七

閔文川先生肝上生一腫毒月餘膿潰矣但稍動
則出鮮血不止大便結燥胃滿飽脹飲食不思
脉兩寸短弱關絃尺洪滑此氣虛血熱陷於下
部法宜補而升提也者不然痔漏將作可慮也

公明之者當作若

黃耆二錢歸身地榆槐花枳壳各一錢升麻秦
尤各七分荆芥穗五分甘草三分服後胃高寬
惟口苦甚前方加酒連連翹各五分而愈十八
李古愚先生每食後即大便腹皮稍脹急胸高飽
悶醫與參朮則痞悶愈甚小水清而長予脈之
左寸瀯右寸滑按之如黃豆大且鼓指關尺之
脈皆絛小左尺脈迢迢有神氣據脈乃積痰鬱
滯於肺莫能出以致大便之氣不固也法當効
丹溪治乃收用吐吐去上焦痰積而大便自實

矣先用苦梗蘿蔔子各三錢白芩仁橘紅山梔
仁各一錢川芎五分生姜三片葱三根水煎服
之取吐服後平時許惡心吐出清痰心惡之勢
雖有乃痰積膠固猶不易出又以蘿蔔子一合
搗漿水加蜂蜜與半碗飲之始吐出膠痰二椀
餘平日每小水則大便並行吐後小水始能獨
利連行三四次而胸腹寬舒初亦以吐為懼至
是豁然稱快大便五日不行始以予言為不謬
也再以二陳湯加白朮旋覆花麦芽調理而全

可矣。十九

姚惠齋先生夜多洩瀉瀉必三五次甚且十數次
小腹時作疼按亦疼口不渴小便長醫者年不
愈予診之左寸滑餘五部皆濡弱此陽氣大虛
虛中有寒也治當溫補下元兼之升舉人參一
錢半黃耆白朮各二錢白芍藥酒炒三錢大附
子五分肉桂一錢杜仲補骨脂各一錢半升麻
防風各七分姜蔥煎服其夜大便減半次早雖
瀉俱是白積如生豆汁狀小腹痛止再診之右

脉稍起連服四帖而瘳翁喜言曰抱病半年藥
無虛日今收功於四劑何速哉認病真而投劑
確也敢不銘心二十

大京兆姚畫老夫人年幾七十右手疼不能上頭
醫者皆以痛風治不効益加口渴煩躁請予診
之右手脉浮滑左平予謂此濕痰生熱熱生風
也治宜化痰清熱兼流動經絡可瘳也二陳湯
倍加歲靈仙酒芩白姜蚕秦艽四劑而病去如
脫二十一

一僕發熱頭疼口渴腹疼小便赤大便瀉日夜不
睡者六日予診之曰據脈汗後浮數熱尚不減
乃痰症也以滑石三錢青蒿葛根白芷片苓各
一錢半炙甘草升麻各五分一帖即得睡熱減
大半頭痛全除惟小水赤頭暈脚膝無力此病
後血虛之故以四物湯加青蒿酒苓薏苡仁服
之而安二十二

一僕病與前類而身如火爍頭痛如破大便不瀉
小水赤口渴鼻乾不得眠胸膈膨脹腹飢不能

食六脈絃而數用竹葉石膏湯加知母枳壳白
芷葛根大加青蒿一帖而熱痛減半胸膈亦寬
惟口渴小水短濇睡卧不安又與化瘟丹三錢
并水化下渴止稍得睡頭暈脚軟喘急與四物
湯加青蒿酒苓薏苡仁木瓜服之全安二十三
一僕之病亦與前相但以前服丘一齋藥而大吐大
瀉熱益增頭痛莫能當煩躁口渴鼻乾嘔吐小
水短濇寢食廢者十四日勢甚危急詢前所服
藥乃藿香正氣散加砂仁厚朴山查大耗元氣

三卷
之味且五月火令當權之疫當以甘寒之劑治之何可以辛熱香竄者益其火而枯其津也其勢危矣此皆不知因時達變惟習常膠故以誤入者用急投人參白虎湯加竹茹葛根青蒿升麻一帖而熱除再帖而頭痛止諸症盡去後連治數人多如此類何也此天行之疫故一方見之治多先以甘寒清解之劑投之熱退即以四物湯以補陰血稍加清熱之劑而青蒿之功居多此固一時自得之愚用錄之以告同志者使

知治法當隨時俗為變而常套不可不脫也
十四

馬鳳陽文學五月患咳嗽內熱額上多汗惡風脈左絃數右滑數予曰據絃數為陰虛滑為有痰不亟調治恐成虛怯以白芍藥川歸茯苓五味子白木甘草陳皮貝母天荅粉酒苓麥冬知母桑白皮十帖諸症皆瘳七月復瘳間日一發寒熱相半寒熱亦俱極渴甚上身汗多以石膏五錢人參黃耆白芍藥麥冬知母各二錢柴胡二

錢桂枝甘草陳皮貝母各一錢竹葉三十片一帖而愈二十五

倪二南先生內人小水不禁一日二十餘起脉右寸洪而有力左寸虛右尺沉微此心腎不交之症也以當歸遠志丹參牡丹皮桑螵蛸人參山茱萸益智仁黃柏知母為丸服之五日而安後凡遇辛苦則發以此服之立効二十六

柱史嚴印老長媳少司空沈鏡老女也患腹痛有小塊蠱又然腹覺冷甚兩寸關皆滑數兩尺皆

塊

沉微此脾氣弱而飲食不消又當秋令濕淫之候不利亦瀉宜預防與白朮蒼朮茯苓甘草白朮杏仁木香半夏陳皮澤瀉煎服其夜果瀉一度次早又瀉一度小腹仍疼不少減且裏急後重蓋其稟賦素虛當補中兼消兼利白芍藥三錢桂心一錢甘草人參茯苓澤瀉陳皮白朮各八分升麻葛根各六分服後脉皆軟弱不滑蠱塊亦消改以人參黃芪白朮芍藥各二錢炙甘草陳皮澤瀉葛根柴胡茯苓各一錢調理而全

新市陳鹿塘先生原有腸風臟毒之症。大便燥結。數日不能一行。痛苦殊甚。此胃寒腸熱之症。其脈兩寸皆數。兩關皆絃而無力。兩尺洪滑。而左尤甚。診畢。渠告予曰。病數年。百醫不效。望生難矣。聞公治多奇。中冀一奇而生之。實再造之恩也。予憐其苦。而俛想久之。因思李東垣有云。大腸喜清而惡熱。脾胃喜溫而惡寒。以胃屬土。而大腸屬金也。今治腸胃相兼之疾。必寒非淒。

熱非灼。始可乃詳酌一方。專以腸風臟毒之藥為君主。外以養血之劑。裹之使不傷胃氣。蓋藥先入胃。而後傳入大腸。入胃時。裹藥未化。及入大腸。則裹藥化。而君藥始見。庶幾兩不相妨。亦假道滅虢之策也。因以大黃酒浸九蒸九晒者二兩。槐花三兩。木耳二兩。郁李仁皂角子象牙屑條芩各一兩。血餘灰升麻荆芥穗各五錢。為末。煉蜜為丸。赤豆大。外以四物湯加蒲黃各一兩為衣。米湯送下。空心及下午各服二錢。服

此果然血止而大便不燥。飲食日加。鹿塘大喜。曰。古稱用藥如用兵。奇正相生。鮮有不克敵者。其公之謂乎。二十八

張道南先生內人。以飲食忤。於氣因腹痛。不飲食五日矣。逆予診之。兩寸關絃尺滑。予曰。此上焦氣虛。下有鬱滯也。以姜黃青皮為君。山查檳榔當歸杏仁烏藥枳殼為臣。柴胡木香為佐。吳茱萸為使。服後氣稍順。然後用葱二斤煎湯浴洗腰腹。即將熟葱擦摩腰腹。使氣通透。洗畢即安。

卧少頃。其夜大便通。先下皆黑硬。結塊後皆水。此積滯行而正氣虛也。以建中湯加山查茯苓澤瀉柴胡香附姜連調攝之而痊。二十九

張道南先生尊堂老夫人。以勞倦致。早晨鬲上有痰痞。而惡心。每食熱物。目中即出淚。脈右寸關皆滑。左寸短弱。此心血不足。而肺胃有痰也。以六子湯加麥芽白豆仁旋覆花治之而愈。三十
馬迪庵先生內人。原以飲食過傷。又為風寒外襲。醫以內傷外感治之。後復至五更發熱唇燥胸

中衝跳不已。手足皆冷。脉兩寸俱滑數。予謂此
奇痰症也。以小陷胃湯加白芍藥。蘿蔔子。前胡
酒。芥。二帖。次早大便行。下蛭虫八條。胸中即不
衝跳。但覺方怯。再診之。兩寸減半。尺脉稍起。以
二陳湯加白朮。白芍藥。酒。芥。調理。後四帖。加當
歸。而全愈。三十一

大宗伯董潯老。夫人常眩暈。手指及肢節作脹。脉
右寸軟弱。關滑。左脉絃長直上。魚際兩尺皆弱。
此亢而不下之脉。難經所謂木行乘金之候也。

總由未生育而肝經之血未破。內經云。諸風
掉眩皆屬肝木。兼有痰火。治當養金平木。培土
化痰。以白朮。半夏。天麻湯。正與此對服。兩帖。而
眩暈平。再與六君子湯。加天麻。白姜。蚕。以治其
暈。加白芍藥。以瀉肝。麥門冬。人參。以補肺。金。麥
芽。枳實。神。麩。蒼朮。以健脾。使宿痰去而新痰不
生。少用黃柏。二分。為使。引熱下行。令不再發。三
十二

張裕齋惡寒。痰多。作呃。胃。不寬。兩寸俱短弱。關

水洪大尺瀉此上焦氣虛中焦有痰下元不實也
法當清中補下不然後將有中風之患二陳湯
加白苳仁香附藿香以開胃氣白芥子蘿蔔子
杏仁以降痰而潤大便兩帖諸症悉去乃錄八
味腎氣丸方與之令自調理三十三
大柱史嚴印臺夫人年近六十已孀居十年餘以
孀居而食長素其婿張懷赤善予語曰外母近
鼻塞大便瀉胸高不暢醫者下之益甚予曰王
海藏有云雜病酒積下之早必成痞滿所當慎

木香化滯湯六卷
滿門

也。用拉予診之。兩寸沉弱。關絛大。兩尺亦弱。予
曰。此陽氣甚弱。脾氣大虛。不當下。而誤下之。故
鼻作塞。而胸痞悶也。用蒼朮。川芎。桂枝。白芷。防
風。桔梗。以疎風。而升陽氣。白苳仁。蘿蔔子。寬胸
利膈。麥芽。以助脾氣。服後鼻不塞。而胸猶痞。復
用東垣木香化滯湯。加吳茱萸。乾姜。而安。乃囑
之曰。病雖漸愈。第陽氣虛。脾氣弱。不宜久食素
恐中氣不充。防作中滿。謹識之。三十四
王谷泉大便作瀉。上身熱。耳中壅塞。頭眩暈。胸高

王不寬口渴痰多咳嗽六脉俱濡弱汗大出此正
氣太虛或由尅伐太過所致當以補養為先人
參白朮白芍藥酒炒各四錢柴胡石菖蒲陳皮
各一錢炙甘草五分澤瀉茯苓各一錢兩服而
神清兩寬脾健惟汗不斂眩暈未除再與人參
白朮黃耆酒炒白芍藥各二錢炙甘草五分大
附子五分桂枝三分澤瀉一錢而愈三十五
方東莖兩脇痛上壅至胸發熱飲食不進脉左手
沉而絃數乃積氣也右手滑痰飲也關脉濡弱

脾氣不充也據症或觸於怒故痛之暴耳治
先去積熱消痰氣然後用補瓜萸仁六錢枳壳
姜連半夏各一錢半白芥子一錢牡蠣二錢炙
甘草五分柴胡一錢五分二帖諸症盡去飲食
進矣然恐其復發也與當歸龍會丸使行之以
刈其根服下果行二次三十六

一婦人懷妊七月內熱咳嗽胸膈飽悶以條苓二
錢瓜萸仁白芍藥紫苑貝母桑白皮各一錢甘
草三分枳壳紫蘓梗知母陳皮各七分二帖而

愈三十七

一婦人。心痛唇紅。痛則大發熱。頭疼。少頃出汗。脉大小不一。予曰。此虫痛之症。痛吐白沫。可徵也。檳榔川椒各二錢。杏仁一錢五分。石菖蒲一錢。烏梅七个。炮姜草豆仁陳皮各五分。山梔仁一錢。一進而痛減半。再進而痛全除。三十八

倪二南。內人。小產後。小腹痛。夜分作熱。作暈。予曰。此氣血虛。而惡露未盡也。川芎一錢半。當歸三錢。澤蘭益母草香附丹參各一錢。人參七分。荆

芥穗五分。山查桂皮各一錢。一帖。而小腹痛止。再帖。而熱暈悉除。三十九

倪少南。右頰車浮腫。而疼。直衝太陽。大發寒熱。兩手寸關俱洪大有力。此陽明經風熱交扇。所致。以軟石膏三錢。白芷升麻各一錢。葛根二錢。生熟甘草一錢。薄荷山梔子牡丹皮連翹各七分。天荅粉貫衆各一錢半。兩帖。腫痛全消。四十

倪少南。內人。經行如崩。勢不可遏。頭暈。眼昏。脉右寸極軟弱。左近駛。此氣虛血熱之候。由氣虛而

按字書女子字蓋响字
之沈也响其此通又响中
之三也

血不固也。仲景云：血脫益氣。特用人參、黃耆各三錢，白朮二錢，粉草五分，荊芥穗、蒲黃、側柏葉、姜炭各一錢，三帖全瘳。四十一

高仰山內人痔血裏急後重，飲食入腹大便即行，晝夜行五六度，五更咳嗽，喉中痰响，肌肉脫口，作渴，由服痔科涼血之藥過多，致脾虛不能統血也。脉六部皆軟弱無力，以四君子湯加荊芥穗、秦艽、陳皮、炮姜四帖，而飲食進，血全止，嗽定而睡寧，後減炮姜倍加，何首烏又四帖，而數年

不發矣。四十二

姚娘子小腹疼，飲食及藥入腹皆疼，疼來遍身無力。此由血崩而致，宜急治之。人參、黃耆各二錢，白朮一錢，茯苓、陳皮各八分，白芍藥、貫衆各一錢，姜炭、荊芥穗、蓮蓬壳煨各三分，煎服而安。四十三

張五橋先生令政，鄴都諫春寰公令姊也。痰喘不能伏枕，且咳嗽甚，則吐痰涎，枕餘乃止。以旋覆花湯為主治之。旋覆花、紫蘆子各一錢，半夏一

錢五分。厚朴、桂皮、粉草各三錢。茯苓、陳皮、桑白皮、葶藶子各八分。姜三片。水煎服。臨臥以養正丹二十粒。白湯送下。兩帖。痰嗽喘各減十之七。乃去葶藶子。加白芥子、蘿蔔子。二帖而痊。四十四

徐文學三泉先生令郎。每下午發熱。直至天明。夜熱更甚。右脇脹痛。咳嗽吊痰。坐臥俱疼。醫以瘧治。罔效。延及二十餘日。熱不能退。後醫謂為虛熱。投以參朮為主。痛益增。逆予診之。左絃大。右

滑大搏指。予曰。內經云。左右者。陰陽之道路。據脈。肝胆之火。為痰所凝。必勉強作文。過思不決。木火之性。不得通達。鬱而為痰。痰甚者。肝邪實也。初治只當通調肝氣。一劑可瘳。誤以為瘡。燥動其火。補以參朮。閉塞其氣。書云。體若燔炭。汗出而散。今汗不出。舌上之胎已沉香。色熱之極矣。設不急治。立見凶危。乃以仲景小陷胸湯為主。大瓜蒌一兩。黃連三錢。半夏麩二錢。前胡青皮各一錢。水煎飲之。夜服。當歸龍薈微下之。

諸公猶爭之曰。病久而食不進。精神狼狽。若此。寧可下乎。予曰。經云。肝常有餘。且脈亦為有餘。故有餘者瀉之。前時誤認為虛。投補。左矣。豈容再誤哉。服後。夜半痛止。熱退。兩帖全安。四十五。王祖泉乃眷。朝飯後稍寒。惡風發熱。遍身疼痛。汗大出。不止。口中熱。腹中不知餓。小便短。六脈皆瀯。以白芍藥五錢。白朮二錢。桂皮黃芩各一錢。甘草八分。二帖而汗止。寒熱除。減去白朮。加當歸。而遍身痛止。四十六。

費少垣乃眷。姓已。九月。痰多喘嗽。胎氣上逆。眼撐不起。兩太陽微疼。予曰。此子懸症。無痰火也。以大紫蘘飲為主。總服一帖。逆即不逆。胸膈頓寬。惟喘嗽不止。與七製化痰丸而安。四十七。

費一吾先生令政。姓已。四月。夜不能睡。小便淋痛。痰嗽內熱。脈右關滑。左寸微弱。兩手皆數。與橘紅貝母片苓黃連茯苓澤瀉枳殼蘘梗前胡水煎服之。其夜即能安寢。次日再以四君子湯加當歸香附貝母陳皮條苓紫蘘梗前胡調理足。

月而產一子。四十八
令弟媳六娘子。遍身痛。發熱。汗大出。昏昏如醉。卧
不能起。兩寸脉短弱。兩手皆數。而無力。此勞倦
之餘。故汗大走也。黃耆三錢。白芍四錢。粉草一
錢五分。桂皮八分。當歸一錢。石斛二錢。一帖。熱
除。痛汗皆止。惟倦而不能起。仍以前方加人參
陳皮。兩帖而痊。四十九

又八娘子。頭痛咳嗽。痰多有血。夜分發熱。喉中常
作血腥。每經水行。必腹中先痛。二日。用香附牡

丹皮滑石甘草桃仁川芎當歸柴胡白芍
子茅根。八帖而瘳。五十

施弁山老先生。內人。自上年十月。左足不能履地。
至十二月。產後。忽好。三日。復不能動。時常胸脇
作痛。素多痰火。而治者。率以四物湯。天麥門冬。
為主。間服獨參湯。服將弥年。而病如故。予診之。
兩寸脉俱洪滑。而數。夜分發熱。此係濕痰凝滯。
補塞太重。故遷延不脫。乃以二陳湯。加蒼朮黃
栢。威靈仙。五加皮。生地黃。白芥子。白芍。藥當歸。

兩帖胸脇痛止熱除再加薏仁八帖而足能
舉步矣五十一

李坦渠老先生令子室十月發寒熱起一日一發
咳嗽心痛腰亦痛至次年正月十七日始間日
一發肌肉大瘦喉疼汗出如兩白帶如注飲食
減少百試而汗不止延予為診其脈右手軟弱
左手散亂此汗多而脈不斂病勢至此危之甚
矣書云火熱侶瘡此病之謂歟以黃耆二錢白
芍一錢五分粉草阿膠各一錢鱉甲三錢桂枝

宇

咯血者不嗽而喉中咯
小塊或血點是也
右醫通張氏

五分烏梅一箇水煎服其夜汗止次早診之左
脈已斂神氣亦回前方加何首烏石斛牡蠣其
日寒熱亦不發飲食稍加駁然有幽谷回春
之象五十二

大學周衡宇先生吳江瀾溪人犬冢宰白川公之
令孫也近來咯血色紫胃中痰火素盛壅於胸
膈作痞作疼痰與瘀血挾而為熱脈左寸洪大
右寸關皆滑兩手盡數此有餘之候總管九四
錢再以滑石桃仁各三錢山查二錢枳殼梔子

貝母紅朮丹皮各一錢茅根五錢水煎服之次
日大便行三次痰積極多內帶瘀血改以山梔
子紫苑丹皮各一錢滑石三錢桃仁一錢五分
小蘗三錢茅根五錢水煎加童便一酒盃三帖
全安五十三

大叅張公分守杭嘉湖道因喪夫人衛中亡者
口中惶又因凌絳翁交厚而禮予為診左寸
脉短關絃右關滑兩尺亦絃據脉心血不足中
焦有痰流於下部凝於經絡以故腰膝痠疼居

常背心作脹頭多眩暈夜睡多汗先時諸醫悉
投風劑非所宜也予以陳皮白芍藥木瓜牛膝
五加皮以仁黃柏酒苓甘草生地當歸歲靈仙
調理十劑諸症悉愈五十四

大都諫鄭春寰老先生為春元時頭痛內熱入夜
尤甚汗出如流通宵不止小水短赤告上黃胎
右脇脹疼先與桂枝白虎湯一帖解其內熱飲
去浮汗再與白芥子一錢瓜蒌仁四錢枳實姜
黃又連各八分水煎服外與當歸龍會九一錢

五分下之而脇痛安 五十五

大叅徐天目老夫人胸膈痞悶不思飲食咳嗽多痰或時惡心吐焦頭目俱不清利向來長素西寸關滑大如莖兩尺沉微痰失症也二陳湯加酒苓薄荷前胡枳壳蒼朮香附鬱金川芎調理而安 五十六

張麗川咳嗽多痰面青潮熱肌瘦性躁而多自用以數考不利悒成疾又新婚之後飲食不節脈之右關滑大餘部皆無神氣且糞門已發瘵

瘵遺流膿血予曰此陽病極而一也法在不治果不逾月而亡 五十七

陳仰山先生內人小產後二月而血大下白沫如注五更洩瀉面虛浮下午身熱口渴面色青黃脈右手豁大近乳左濡弱據此太虛之候血海未尚有瘀血不盡以致新血不得歸源稍動氣即下如崩蓋脾乃統血之經虛則不能約束且面浮食少脾虛劇矣急宜溫補勢或可為人參白朮各二錢姜炭粉草各五分茯苓六分香附

分丹參炒過一錢水煎服四帖而瀉止再以人參白朮各二錢茯苓丹參黃耆蒲黃各一錢姜炭澤蘭葉粉草各五分調理全愈五十八
張溪亭乃眷喉中梗梗有肉如炙鬱蒸之不下吐之不出鼻塞頭運耳常嗽不安汗出如雨小驚胆怯不敢出門稍見風即遍身疼小腹時疼小便淋瀝而疼脈兩寸皆短兩關滑大右關尤搏指此梅核氣症也以半夏四錢厚朴一錢紫蘓葉一錢伍分茯苓一錢三分姜三片水煎食

後服每用此湯調理多效五十九

溪亭子室姪已七月夢見亡過祖母揮拳背打一驚醒即覺胎動不安血已下大小便皆急腰與小腹脹疼者五日此亦事之奇也迺予為合兩寸脈俱短弱此上焦元氣大虛當驟補之參阿膠黃耆白朮各二錢當歸白芍條芩杜仲各一錢砂仁香附各五分苧根嫩皮三錢葱白六錢一劑而血止兩劑諸症悉除而神漸安四帖後減去苧根葱白調理旬日足月而產一女

陳茂之勞倦之後勉強色慾精竭而血繼至續感風寒發熱頭痛胸膈飽悶始從太陽而傳至少陽胸脇痛而耳聾嘔逆口苦咳嗽大脉俱絃數此少陽症也。以小柴胡湯加枳壳桔梗竹茹而嘔逆止熱退因進粥早復熱口渴小水不利大便一日夜六七次所行皆清水日晡熱甚舌上黃胎昏沉振顛此食復之候書云渴而小便不利者當先利其小便以猪苓湯為主猪苓澤瀉

各二錢滑石三錢赤茯苓一錢柴胡八分升麻木通各五分連進二帖小便利而大便實但熱不退以六神通解散一帖其夜熱仍不退次早診之左脉不絃數矣兩寸脉虛以故服藥無汗口渴漱水而不欲嚥咽熱此邪傳陽明經不急涼血必作鼻衄病勢至此可謂極矣投黃芩芍藥湯合生脉散以止嗽渴用葛根湯以解肌熱白芍藥三錢葛根升麻黃芩各一錢人參一錢五分麥冬滑石各三錢甘草五味子各五分

烏梅一枚急煎二帖飲之。日中大便下燥糞十數枚始得微汗。就得睡。是晚進粥一盂。夜卧向安。六十一

陳五山胃脘疼醫作勞倦治不效。又醫作寒氣治。而用剛燥痛轉極。又醫以巴豆丸下之。大瀉。有水亦無積滯之物。痛雖稍減。然面有虛浮。胸痞足腫。又張醫以人參白朮各二錢。大補脾胃。則痰嗽氣逆。上高熱甚。喉乾乾燥。右脇不能貼席。大便一日二三行。因向被巴豆丸瀉起。迄今七十

日。猶瀉不止。飲食大減。延予為治。診兩寸濡弱。兩關滑。兩尺洪大。予曰。據症原起於鬱火。亂投湯劑。大推大搬。以致加重。若平平治之。自當尋愈。二陳湯加姜連枳實。姜黃。桔梗。蘿蔔子。前胡。一帖。而熱嗽除。右脇亦可貼席。再劑。而飲食進。大便實。其晚又為怒氣所加。痰嗽脇痛如舊。且多煩躁。改用橘紅。貝母。瓜蒌。茯苓。山梔子。前胡。青皮。甘草。桑白皮。蘿蔔子。水煎飲之。而平。六十

吳小峰年五十未有子。素有酒積作疼。晌午即瀉。所下多稠粘之物。腹痛之疾年已久矣。治當清潔中焦。分濕熱。兼養脾。法用白滑石三兩。粉草肉菓各五錢。白芍藥酒炒一兩。五錢。木香三錢。紅麴四錢。神麴糊為丸。每早晚白湯送下。二錢服。未竟而疾除。始舉一子。六十三。

沈大叅王陽老先生中焦有食積。痰飲而作痞滯。以故大便了而不了。間或作脹。予脈之兩寸短弱。關滑。兩尺沉滑。有力。予曰。脾胃經有濕痰蘊。

濟生竹茹湯方五卷嘔吐門
又二十一卷心兒吐瀉門有竹
茹湯與五卷不同
蓋根湯方五卷嘔吐門
詭 此字義不通蓋詭
字之化也

而為熱。但清其中宮。使清陽升。濁陰降。而氣血自旺。此不補之補也。以二陳湯加枳實酒連酒。芩滑石姜黃木香乾葛山查兩劑而愈。六十四。王敬泉頭暈且痛。起則倒仆。胸膈脹悶如繩束縛。嘔吐而飲食皆不得入。六脉俱瀉。此痰飲挾木火之勢。而作暈也。先以濟生竹茹湯而吐不止。且煩躁發詭。發熱。再與蘆根湯連進二碗。氣詭稍定。再以吳茱萸一兩為末。以鷄子清調塗兩足心。引火下行。外用二陳湯加姜汁炒黃芩黃

連旋覆花 枇杷葉 丁香 白芷 仁 檳榔 柴胡 水煎服之 服後熱退 大便亦行 頭暈嘔吐皆止 惟胃脘有一塊作疼 仍與前藥兩劑 而塊亦消 六十

張二官發熱頭痛口渴大便秘結三日未行脈洪大此陽明少陽二經之症用大柴胡湯行三五次所下者皆黑糞夜出臭汗次日清爽惟額上仍熱用白虎湯加葛根天荅粉因食粥太早復發熱咳嗽口渴殊甚且惡心用小柴胡加枳實

山梔子 麥芽 次日渴不可當改以白虎湯加麥門冬 天荅粉 外與辰砂益元散以井水調下 五錢熱始退渴始定不虞夜睡失蓋復受寒邪天明又大發熱不知人事急用小柴胡湯加升麻葛根前胡薄荷進之而汗出熱退神思大瘳四肢皆冷語言懶倦且咳嗽以生脈散加石斛百合大棗白芍藥服後咳嗽尋止精神日加飲食進而向安矣 六十六

大司馬潘印川第三令子室尚書蔣公孫女也年

瘰癧
後計

二十五體素弱。語言端謹。因難產傷力。繼以生
女。拂意後。又女死。悲戚。即時暈厥。醒而神思昧
昧。手足瘰癧。目作上視。予更後。始至。因瘰癧不
能診脈。細詢之。自女落地。惡露絕。無比。有女醫
在旁。乃昔所親信者。時與人參。大嚼。及獨參湯
并粥。亂進。參與粥皆壅塞。兩上不下。以故神昏
瘰癧不已也。予教以手於喉中探而吐之。喜其
隨手吐出。痰飲粥藥盈盆。瘰癧方定。乃與川芎
山查澤蘭葉陳皮半夏茯苓香附進之。稍得醒。

也
陸典
神書
中岐
之

予亦出中堂。就寢。不虞女醫又私與補藥。二帖。
子丑時。陡然狂亂。如降神之狀。口中亂語。云我
是觀音大士。降壇所言。皆儒雅官話。問答如流。
聲甚壯厲。殊無產後不足之態。生平不諳漢聲。
至是出語。如生成者。人皆異之。目為神附。襍
百般。予獨諍之。語諸左右。曰。此惡露不盡。乃蓄
血如見鬼之症。非真有神佛相附也。徐以正言
叱之。即緘默。繼以清魂散。加滑石童便與之。至
天明。小水乃行。狂亂皆定。迨予出房。少頃。詎知

女醫意欲要功。又不知與何藥服之。少刻狂亂如前。再與川芎一錢五分。當歸四錢。澤蘭葉益母草各一錢。臨服加童便連飲二帖。不效。予逆思之。胸中必有餘痰作滯。前劑中無佐使之品。故藥力不行也。即用前劑大加山查與之。惡露稍行。神思即靜。嗣後稍睡。少時手足微動。或自以手掌其面。或自以手搥其胸。昏亂不息。診其脈近虛。早間面紅而光。申酉時面色白。此血行大退。故脈虛而當補矣。與人參川芎澤蘭葉各

一錢。當歸山查各二錢。茯苓陳皮各八分。捲荷葉一片。煎熟調琥珀末子五分。服下半時許。噦氣二聲。予喜曰。此清陽升而濁陰降矣。自茲安靜。夜中惡露微行。大便亦利。乃索粥飲。問其昨日。漢聲何來。荅曰。不知也。諸君始信蓄血如見鬼之言。為不誣。昔秦越人有言曰。病有六不治。信巫不信醫。一不治也。古稱用藥如用兵。以郭子儀之英明。而以魚朝恩監之。便不成功。予固非郭令公之儔。彼女醫之誤。則又有過於魚朝

恩矣。噫。寧不慎哉。六十七

孝廉臧茗泉老先生。脉左絃數。右寸弱。關大重。則滑。右尺微。原以瘧後復傷飲食。大便瀉而變痢。一日夜雖只五六行。皆積滯無糞。腹疼後重難安。午未後發熱。至天明始退。此夏傷於暑。而秋為瘧痢也。其熱仍瘧之餘邪。當先解散。然後以補劑投之。則大便自愈矣。與神授香連丸一服。服訖。腹中腸鳴。須臾大便行。且較前更多。方有糞下。改以白芍藥四錢。澤瀉黃連各一錢。滑石

二錢。粉草桂皮木香各四分。山查七分。兩日後乃與補中益氣湯。加木香黃連白芍藥。調理半月。潮熱大便皆愈。六十八

包繼可先生。令眷孕三月。而瘧疾發。先寒後熱。胸膈大脹疼。口渴湯水入即吐。譫語無汗。胎氣上衝。而成子懸。脉皆絃大。以川芎柴胡黃芩知母甘草橘紅紫蘊枳壳砂仁。水煎服之。吐止痛除。六十九

一張氏婦。年總二十一。其夫延予診之。左寸關短

弱尺滑。右寸亦滑。關濡弱。尺沉微。診畢問予曰。脉何如。予曰。心神脾志皆大不足。肺經有痰。夫曰。不然。乃有身也。予曰。左寸短弱如此。安得有孕。夫曰。已七十日矣。予俛思久之。問渠曰。曾經孕育否。夫曰。已經二次。今乃三也。予問。二產皆足月否。男耶。女也。夫曰。實不敢諱。始產僅九個月。手足面目完全。而水火不分。變肉一片。生下亦無啼聲。抱起已身冷矣。細撿之。乃知其無水火也。次亦九個月。產下又無啼聲。看時口中無

舌。二胎之異。不知何故。聞先生能細心察人病。特祈審之。予方悟前二胎之不完者。由心脾二經不足所致也。今左寸右關之脉可見矣。迺為籌思一方。專以補心血為主。令其多服。以百帖為率。酸棗仁遠志茯神各一錢。白朮二錢。白芍藥當歸枸杞子各一錢五分。甘草五分。生地黃八分。艾絮二分。龍眼肉五枚。水煎服。足月而產一子。次年又有身。不以前事為意。至九個月產下。形體俱具。外有脂膜一片。包其面。耳目口鼻

皆見但不能去此脂膜產下即歿因思十年之
子為藥之力也因予以不至若其家以予方粘
於壁間一覺有身即照方服之後生二子一女
里中以此方為補天手云 七十

癸巳仲夏吳比部鳳麓父母以次君絃臺先生眼
目紅痛恐學道按臨速於取効乃聽眼科醫寒
涼而治兩越月無驗又眼科視之曰目疾不宜
多用寒涼恐冰其血以人參五錢枸杞子一兩
悉以補之劑凡用人參枸杞子五六斤矣目腫

如死絕不能開又專科語之曰紅腫而痛明矣
熱症誤服溫補反助其熱寧不益腫顧其勢即
百寒涼亦不易瘳捷徑無如用下此釜底抽薪
法也絃臺惟求速効一聽下之用大黃芒硝枳
壳作大劑下五六次而飲食日減惡心畏風則
不能出房門矣又專門謂前劑欠當大瀉之後
正合補也又聽補之一補而目腫如舊又有眼
師云目疾熱症多寒症少只當滋補腎水水升
則火自降火降而目疾斯愈矣用是以滋陰降

人之劑為恃絕數服而精滑不禁一夜夢遺一
二次神氣大脫投補則目腫痛用降則精元滑
脫屢試屢如是諸醫無策悉謝而退乃修書命
僕自淮陰之海陽懇祝令君紹介徵予為治予
始以遠為懼祝再四為渠言予亦素為渠重義
不得以遠為辭乃介行李嚮往至即診之左寸
脈甚短右寸大而無力左關絃弱右滑兩尺亦
滑予見其坐在幔中畧不敢見風問其日食幾
何荅曰三次計二枕許輩醒絕不能用予曰夜

卧安否荅曰近來甚苦於睡纔合目即驚屢可
畏或被虎蛇交咬或有鬼來勾攝或落橋墜井
或與人爭鬪而負猛然驚悟冷汗淋漓四肢癱
軟不能動轉少頃乃定今幸公不遠千里而臨
足徵素雅予曰足下始無大恙只緣大推大搬
以致狼狽若是彼專科者不足恃也經謂五臟
精華皆上注於目今專科局局然守其死法安
知五臟盈虛陰陽消長隨時出入哉以愚管見
但平平治之易與耳據是下之脈心神脾志互

相不足。肝胆之火鬱而散。致生目痺。今為補
養心脾。壯其神志。則飲食日加。寢卧安穩。而精
元有守。神水盈溢。何目痺之不愈哉。絃墨曰。善
惟先生命劑。乃以歸脾湯。減去黃耆。木香。加丹
參。而補心脾。以大安丸。專助脾胃。而磨穀食。俾
新痰不生。則氣血可繼。日而旺矣。後五日。而飲
食加。十日。而夢魘少。尋能出戶。不畏風日。半月
而肌肉生。目可觀。奕津津然。而有萬全之兆。不
虞。專門張氏子。復至。以白眼藥。日頻點之。一日

凡七。个次。從此復不能開。臉肉風粟生。滿適。予
有南都之往。幸為所誤。後幸有李少塘。打去風
粟。眼始能開。李雖手法精熟。然於軒岐。閻奧。尚
亦未窺藩籬。予後自南都至。見左目。雖愈。右目
終成內障。予故曰。彼專科者。不足恃也。豈虛語
哉。七十

卷之三
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

